



I. PRINCIPADO DE ASTURIAS

• OTRAS DISPOSICIONES

CONSEYERÍA DE CULTURA Y TURISMO

RESOLUCIÓN de 11 de marzu de 2010, de la Conseyería de Cultura y Turismu, pola que se convoquen los premios "Xosefa Xovellanos" de novela, "Xuan M.^a Acebal" de poesía, "Máximo Fuertes Acevedo" d'ensayu, "María Josefa Canellada" de lliteratura infantil/xuvenil y "Alfonso Iglesias" de cómic en llingua asturiana.

Esamináu l'espedito de referencia resulten los siguientes:

Fechos

Primeru.—Fomentar la creatividá lliteraria contribúi ensin dulda nenguna a desenvolver el conteníu cultural de la sociedá, sobre manera teniendo en cuenta la importancia de la lliteratura, en cualquier de les tantes de manifestaciones que tien nel nuestro tiempu. Ye bien sabíu tamién que la escritura, que surge de la voluntá de creación y comunicación, lleva con ella un trabayu personal importante, una dedicación de tiempu y esfuerzu que, ensin ser midibles no económico porque'l valir propiu de la lliteratura trescien de talos parámetros, sí que se puen reconocer y incentivar polos poderes públicos. Poro, la Conseyería de Cultura y Turismu del Principáu d'Asturies vien convocando de manera añal dellos premios lliterarios dirixíos a consolidar, arriquecer y prestixar la llingua y cultura asturianas.

Segundu.—Poro, nel presente añu procede la convocatoria de los premios que se citen darréu:

- premiu "Xosefa Xovellanos" de novela n'asturianu na so trixésima primera edición;
- premiu "Xuan M.^a Acebal" de poesía n'asturianu na so decimosesta edición;
- premiu "Máximo Fuertes Acevedo" d'ensayu n'asturianu na so decimosesta edición;
- premiu "María Josefa Canellada" de lliteratura infantil/xuvenil n'asturianu na so tercera edición, y
- premiu "Alfonso Iglesias" de cómic n'asturianu na so segunda edición

enfotaos en qu'actuaciones d'esti calter contribúin de manera eficaz a dinamizar l'actividá cultural de la Comunidá Autónoma, y n'especial un aspectu bien importante de la mesma como ye'l de la creación lliteraria.

Terceru.—Na Llei del Principáu d'Asturies 3/2009, de 29 d'avientu de Presupuestos Xenerales del Principáu d'Asturies pal añu 2010, hai creitu específicu pa estes fines na partida presupuestaria 14.02.422R-482.062, denomáu "Premios lliterarios en llingua asturiana", por importe de 35.000 (treinta y cinco mil) euros.

Cuartu.—Acordies colo estableció na Resolución de 16 de mayu del 2005, de la Conseyería d'Economía y Alministración Pública, pola que s'establez el sistema d'información contable de l'Alministración del Principáu d'Asturies y el so sector públicu y s'aprueben les normes de los procedimientos de xestión, tramitación y réxime de contabilidad na execución del presupuestu de gastos, la Intervención Delegada, en data 10 de marzu del 2010, emitió'l correspondiente informe fiscal favorable.

Quintu.—Por Resolución de 5 de marzu del 2009 (BOPA de 27 de marzu de 2009) apruébense les bases reguladores de los premios "Xosefa Xovellanos", "Xuan M.^a Acebal", "Máximo Fuertes Acevedo", "María Josefa Canellada" y "Alfonso Iglesias", procediendo agora l'aprobación de la convocatoria que toca a 2010.

A estos fechos aplíquense-yos estos

Fundamentos de derechu

Primeru.—L'artículu 3 del Decretu 71/92, de 29 d'ochobre, que regula'l Réxime Xeneral de subvenciones, en rellaición col artículu 38 de la Llei 6/1984, de 5 de xunetu, del Presidente y del Conseyu de Gobiernu l'artículu 5 del Decretu 34/2008, de 26 de payares, de Reestructuración de les Conseyerías qu'integren la Comunidá Autónoma, mesmu que l'artículu 10 de la Llei 2/1995, de 13 de marzu, de Réxime Xurídicu de l'Alministración del Principáu d'Asturies; too ello no tocante a la determinación de les competencies y facultaes p'adoptar la presente Resolución.

Segundu.—L'artículu 41 del Testu refundíu de Réxime Económicu y Presupuestariu del Principáu d'Asturies, aprobáu por Decretu Llexislativu 2/1998, de 25 de xunu, respecto de la competencia que correspuende a los titulares de les Conseyerías p'autorizar y disponer los gastos propios de los servicios del so cargu y de los qu'estableza la Llei de Presupuestos Xenerales de cada exerciciu o, nel so defectu, la del exerciciu anterior, hasta la cantidá fixada d'ésta.

Terceru.—Ye aplicable lo estableció na Llei 38/2003, de 17 de payares, Xeneral de Subvenciones y el Decretu 71/1992, de 29 d'ochobre, de Réxime Xeneral de Concesión de Subvenciones.

En base a lo acabante esponer y acordies colo previsto nos artículos 8c) y 41 del Testu refundíu del Réxime Económicu y Presupuestariu, aprobáu pol Decretu Llexislativu del Principáu d'Asturies 2/1998, de 25 de xunu, pola presente, elévase la siguiente



RESOLUCIÓN

Primeru.—Convocar los premios siguientes:

- “Xosefa Xovellanos” de novela n’asturianu (trixésima primera edición), con una dotación de 7.000 (siete mil) euros, pa obres de tema, xéneru y estructura llibre que tengan una extensión mínima de setenta y cinco páxines a espaciu doble.
- “Xuan M.^a Acebal” de poesía n’asturianu (decimosesta edición), con una dotación de 7.000 (siete mil) euros, pa obres de tema, xéneru y estructura llibre, que tenga una extensión mínima de quinientos versos.
- “Máximo Fuertes Acevedo” d’ensayu n’asturianu (decimosesta edición), con una dotación de 7.000 (siete mil) euros, pa obres de tema, xéneru y estructura llibre que sían inédites y tengan una extensión mínima de cincuenta páxines escritas a espaciu doble.
- “María Josefa Canellada” de lliteratura infantil y xxuvenil n’asturianu (tercera edición), con una dotación de 7.000 (siete mil) euros, pa obres de lliteratura infantil o xuvenil —con independencia de que sían noveles, compilaciones de cuentos, poemarios o obres de teatru— una y buenes sían inédites y tengan una extensión mínima de doscientos cincuenta versos pa la poesía y de trenta páxines a espaciu doble pa los demás xéneros.
- “Alfonso Iglesias” de cómic n’asturianu (segunda edición), con una dotación de 7.000 (siete mil) euros, pa obres d’estilu, tratamientu y tema llibre, pudiendo abarcar el desarrollu d’una historia única o un conxuntu d’histories, y con una extensión mínima de cincuenta páxines.

Segundu.—Autorizar un gastu por importe de 35.000 € con cargu a l’aplicación presupuestaria 14.02.422R-482.062 de los Presupuestos Xenerales del Principáu d’Asturies pal 2010.

Terceru.—Esta convocatoria va mandase poles bases reguladores aprobaes por Resolución de 5 de marzu del 2009 (BOPA de 27 de marzu de 2009) de la Consejería de Cultura y Turismu.

Cuartu.—Presentación de orixinales, sitiu y plazu.

Les obres tienen que se presentar nel Rexistru Xeneral Central de l’Alministración del Principáu d’Asturies (Edificiu Alministrativu, c/ Coronel Aranda, s/n, planta plaza, sector central, Uviéu) hasta’l día 10 de setiembre —inclusive— del 2010, en dos sobres cerraos onde tien que s’escribir el nome del Premiu y tien que se facer constar el títulu de la obra y l’alcañu del autor. Caún de los sobres tien qu’incluyir:

sobre A: datos del autor/a (señes, teléfonu y un currículum d’estensión curtia);

sobre B: orixinal y cuatro copies del testu.

Quintu.—Los premios van ser concedíos acordies colos principios d’oxetividá, tresporencia, igualdá, non discriminación y publicidá per aciu del procedimientu de concurrencia competitiva.

El procedimientu de concesión va emprimar d’oficiu per aciu de convocatoria pública, adoptada por Resolución de la Consejera de Cultura y Turismu y publicada nel *Boletín Oficial del Principáu d’Asturies* (BOPA).

Sestu.—El Serviciu de Política Llingüística, dependiente de la Dirección Xeneral de Política Llingüística de la Consejería de Cultura y Turismu, va adoptar toles midies necesaries pal desarrollu de les bases y d’esta convocatoria, desarrollando la ordenación y instrucción del procedimientu. La Consejera de Cultura y Turismu va dictar la Resolución de Concesión, que va publicase nel *Boletín Oficial del Principáu d’Asturies*, colo que va considerase notificada acordies lo estableció nel artículu 59.6) de la Llei 30/92, de 26 de payares.

Séptimu.—Ordenar la publicación d’esta Resolución nel *Boletín Oficial del Principáu d’Asturies*.

Octavu.—Esti actu pon fin a la vía alministrativa y contra’l mesmu pue interponese:

- a) Recursu potestativu de reposición énte la Ilma. Sra. Consejera de Cultura y Turismu. El plazu pa la interposición d’esti recursu ye d’un mes.
- b) Recursu contencioso-alministrativu énte la Sala de lo Contencioso-Alministrativu del Tribunal Superior de Xusticia del Principáu d’Asturies. El plazu pa la interposición d’esti recursu ye de dos meses.

Estos dos recursos nun puen simultanease y el plazu pa la so interposición tien que se contar dende’l día siguiente al de la publicación d’esta resolución nel *Boletín Oficial del Principáu d’Asturies*, acordies colo estableció nel artículu 28 de la Llei del Principáu d’Asturies 2/1995, de 13 de marzu, de Réxime Xurídicu de l’Alministración del Principáu d’Asturies, y nel artículu 116 de la Llei 30/1992, de 26 de payares, de Réxime Xurídicu de les Alministraciones Públiques y del Procedimientu Alministrativu Común. Too ello ensin perxiciu nengún de que los interesaos puedan facer usu de cualquier otru recursu que cuenten oportunu.

Uviéu, a 11 de marzu de 2010.—La Consejera de Cultura y Turismu, Mercedes Álvarez González.—6.637.